



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1858

CLVI. Kaiser Ludwig genehmigt den Vergleich seines Sohnes, des Markgrafen Ludwig, mit den Altmärkischen Städten wegen der von diesen für die Auslösung der Altmark an den Herzog von Braunschweig ...

Nutzungsbedingungen

[urn:nbn:de:hbz:466:1-54890](https://nbn-resolving.org/urn:nbn:de:hbz:466:1-54890)

taidingh in diesem jare mit in gehabt hat, dar umb er in vnfern brief zu den sinen ze schaffen gehaizzen und gelobt hat in aller der weis, als er in daz mit seinen briefen hat verschrieben. Gescheh ouch, daz vnser vorgenanter Sun abginge, des Gott nicht en wolle, ehe daz in vollfürt wurd, swaz er in vorschrieben hat, als vorbegriffen ist, daz geheizzen wir für vns vnd andere vnser erben ze vollfüren vnd stet ze halten in aller der weis, als er selber thun solt, ob er lebendig were. Vrchund dusses briefs, der geben ist ze Kammben, am Phingstag nach Agnetis, nach Christus geburth driutzehen hundert jare vnd in dem vier vnd viertzigsten jare, in dem driffzigsten jare vnfers richs vnd in dem siebenzehenden des kaiserthums.

Nach dem Original des Stendalschen Rathsarhives No. 82.

CLVI. Kaiser Ludwig genehmigt den Vergleich seines Sohnes, des Markgrafen Ludwig, mit den Altmärkischen Städten wegen der von diesen für die Auslösung der Altmark an den Herzog Otto von Braunschweig übernommenen Zahlung von 3000 Mark Silber, am 22. Januar 1344.

Wir Ludowig, von Gotes gnaden Romischer Keiser, zu allen zeiten merer des Richs, bechennen offenlichen mit diesem brief, daz wir geheizzen haben bei vnser Keiserlichen genaden, daz wir allir teiding vnd handlung, die der hochgeborn Ludouig, Margraf ze Brandenburg, vnser Sun, mit den wyfen Lutten den Ratmannen der Stat ze Siendal, ze der alten Stat Salzwedel, der nügen Stat ze Salzwedel, ze Tangermund, ze Sehufen, ze Osterburg vnd ze Werben um die trie Tufend Marck Brandenb. silbers, die sie dem hochgeborn Hertzog Otten von Brunswigk zu der Lofung der Alten Marck gelobt vnd vergewizzet haben ze geben, vnd was sie redlichs schaden da van nemen, den sie chuntlich bewiesen mochten, vnd ouch waz er andere taiding in diesem jare mit ihn gehabt hat, dar umb er ihn vnser brief zu den sinen geheizzen vnd gelobt hat ze schaffen, stet ze halten vnd ze vollfüren in aller der weis, als er ihn daz mit sinen briefen verschrieben hat. Gescheh ouch, daz vnser vorgenanter Sun abgieng, des Gott nicht en woll, eh daz ihn vollfüret wurd, swaz er in verschrieben hat, als vor begriffen ist, daz gehaizzen wir für vns vnd vnser erben ze vollfüren vnd stet ze halten in aller der weis, als er selber tun solt, ob er lebendig wer. Vrchund dieses briefs, der geben ist ze Kammben, an Phintzetag nah Agnetis, nach Christus geburt driutzehen hundert jare vnd in den vier vnd viertzigsten jare, in dem drizzigsten jare vnfers Richs vnd in dem siebenzehenden des Kaiserthums.

Nach dem Original des Stendalschen Rathsarhives No. 83.